



Broj: 16-12-16-7390-8 /18
I. Sarajevo, 12.12. 2018. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12) i člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14), na preporuku Komisije I za nabavke za potrebe Državne agencije za istrage i zaštitu u 2018. godini, broj 16-12-16-7390/18 od 10.12.2018. godine, u postupku javne nabavke jednog štampača za laminaciju za potrebe Državne agencije za istrage i zaštitu, direktor Državne agencije za istrage i zaštitu,
d o n o s i

ODLUKU

o izboru najpovoljnijeg ponuđača po Konkurentskom zahtjevu za dostavljanje ponuda za javnu nabavku jednog štampača za laminaciju za potrebe Državne agencije za istrage i zaštitu

Član 1.

Prihvata se preporuka Komisije I za nabavke za potrebe Državne agencije za istrage i zaštitu u 2018. godini broj 16-12-16-7390/18 od 10.12.2018. godine i u postupku javne nabavke jednog štampača za laminaciju za potrebe Državne agencije za istrage i zaštitu ugovor se dodjeljuje ponuđaču „MRG Export-Import“ d.o.o. Banja Luka, ponuda broj 16-12-16-7390-6/18 od 29.11.2018. godine, za ponuđenu cijenu 14.667,84 KM bez PDV-a.

Član 2.

Ponuđač iz člana 1. ove odluke obavezan je ugovornom organu, u roku od pet dana od dana prijema ove odluke, dostaviti dokaze o ispunjavanju uslova iz tač. 3.1.1. i 3.1.3. Konkurentskog zahtjeva (original ili ovjerena kopija).

Član 3.

Ova odluka se ponuđaču dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Državne agencije za istrage i zaštitu.

Član 4.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 5.

Ova odluka stupa na snagu danom donošenja.

O b r a z l o ž e n j e

Odlukom direktora Državne agencije za istrage i zaštitu broj 16-12-16-7390-1/18 od 13.11.2018. godine, pokrenut je postupak javne nabavke jednog štampača za laminaciju za potrebe Državne agencije za istrage i zaštitu (u daljem tekstu: Agencija), putem Konkurentskog zahtjeva, za koji je obavještenje o javnoj nabavci broj 1161-7-1-482-3-76/18 objavljeno 16.11.2018. godine na Portalu Agencije za javne nabavke. Procijenjena vrijednost javne nabavke je 12.820,00 KM bez PDV-a, a za što su novčana sredstva obezbjeđena u okviru budžetskih sredstava za 2018. godinu.

Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH”, broj 66/16) (u daljem tekstu: Pravilnik).

Komisija I za nabavke za potrebe Agencije u 2018. godini (u daljem tekstu: Komisija) dostavila je Izvještaj o radu broj 16-12-16-7390/18 od 10.12.2018. godine sa preporukom o izboru najpovoljnijeg ponuđača u postupku javne nabavke jednog štampača za laminaciju za potrebe Agencije.

Obzirom da je tačkom 6. Konkurentskog zahtjeva navedeno da je rok za dostavljanje ponuda 29.11.2018. godine do 13,00 sati, te da se ponude dostavljaju u zatvorenoj koverti, Komisija je dana 29.11.2018. godine u 14,00 sati izvršila javno otvaranje ponuda prema datumu i vremenu prijema.

Blagovremeno je dostavljena jedna ponuda i to:

R.br.	Naziv ponuđača	Ponuđena cijena (bez PDV-a) u KM
1.	„MRG Export-Import“ d.o.o. Banja Luka	14.667,84 KM

Komisija je nakon otvaranja ponude u smislu člana 63. st. (5) i (6) Zakona o javnim nabavkama („Službeni glasnik BiH”, broj 39/14) (u daljem tekstu: Zakon), sačinila Zapisnik o otvaranju ponude i isti u roku od tri dana, od dana otvaranja, dostavila ponuđaču. Postupak je dalje nastavljen u smislu pregledanja dokumentacije priložene uz ponudu, a u cilju ocjenjivanja njegove prihvatljivosti u smislu Pravilnika, te kvalifikovanosti shodno uslovima navedenim u Konkurentskom zahtjevu.

Uvidom u sadržaj dostavljene ponude, Komisija je utvrdila da ponuđač „MRG Export-Import“ d.o.o. Banja Luka ispunjava kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti, te tehničke i profesionalne sposobnosti. Također, Komisija je utvrdila da navedeni ponuđač ispunjava i formalno-pravne uslove postavljene u Konkurentskom zahtjevu, te da ne podliježe preferencijalnom tretmanu domaćeg.

U cilju ocjene tehničkih uslova navedenih u Konkurentskom zahtjevu Komisija je od Sektora za operativnu podršku aktom broj 16-12-16-7390/18 od 29.11.2018. godine tražila da na osnovu uvida u ponudu kvalifikovanog ponuđača „MRG Export-Import“ d.o.o. Banja Luka dostavi stručno mišljenje u pogledu ispunjavanja tehničkih uslova postavljenih u Konkurentskom zahtjevu. Sektor za operativnu podršku je aktom od 30.11.2018. godine, utvrdio da ponuda ponuđača „MRG Export-Import“ d.o.o. Banja Luka zadovoljava tehničke uslove postavljene Konkurentskim zahtjevom.

Konkurentskim zahtjevom je bilo predviđeno da se za navedeni postupak javne nabavke jednog štampača za laminaciju za potrebe Agencije provodi e-aukcija. Odredbom člana 3. stav (3) Pravilnika, propisano je da se u slučaju prijema jedne prihvatljive ponude e-aukcija ne može zakazati, nego se postupak okončava u skladu sa odredbom člana 69. Zakona. Obzirom da je primljena jedna prihvatljiva ponuda, to u smislu Pravilnika e-aukcija nije zakazana, nego je postupak okončan u skladu sa članom 69. Zakona.

Nakon pregledanja dokumentacije priložene uz dostavljenu ponudu Komisija je u smislu člana 65. st. (1) i (2) Zakona ocijenila ponudu kvalifikovanog ponuđača, primjenjujući kriterij najniže cijene iz tačke 9. Konkurentskog zahtjeva, te je sačinila rang listu, kako slijedi:

Redni broj	Naziv ponuđača	Vrijednost ponude (bez PDV-a)
1.	„MRG Export-Import“ d.o.o. Banja Luka	14.667,84 KM

Nakon sačinjavanja rang liste ocijenjene ponude Komisija je konstatovala da ukupna ponuda ponuđača „MRG Export-Import“ d.o.o. Banja Luka u iznosu od 14.667,84 KM bez PDV-a, premašuje procijenjenu vrijednost javne nabavke za cca. 14,41%.

Komisija je aktom broj 16-12-16-7390/18 od 05.12.2018. godine od strane Sektora za materijalno-finansijske poslove, tražila mišljenje po pitanju obezbjeđenja dodatnih novčanih sredstava za realizaciju predmetne nabavke. Sektor za materijalno-finansijske poslove aktom od 05.12.2018. godine, dostavio je Komisiji informaciju da je u budžetu Agencije za 2018. godinu, moguće obezbijediti dodatna novčana sredstva za realizaciju predmetne nabavke.

Nakon provedenog postupka ocjenjivanja dostavljene ponude, uvažavajući mišljenje Sektora za operativnu podršku i Sektora za materijalno-finansijske poslove, Komisija je utvrdila da je ponuda ponuđača „MRG Export-Import“ d.o.o. Banja Luka ocijenjena kao najpovoljnija.

Shodno navedenom, prihvaćen je prijedlog Komisije i odlučeno da se ugovor u postupku javne nabavke jednog štampača za laminaciju za potrebe Agencije dodijeli ponuđaču „MRG Export-Import“ d.o.o. Banja Luka, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđaču 1x;
- Sektoru za mat.-fin. poslove;
- a/a.

DIREKTOR
GLAVNI GENERALNI INSPEKTOR POLICIJE
Perica Stanić

